

到勘合應該勘問事理俱親詣勘問其於分巡守  
地方常川往來勘問公事并訪問軍民休戚官吏  
賢否興利除害以求無負

朝廷任使若有行令布按二司委官會問事件各司掌印官將  
佐貳官職名開赴巡撫巡按官處公同坐委其承  
委官員務要隨即會同前去勘理不許推託延調  
慢事敢有以前故違者許巡撫都御史巡按御史指  
實參奏提問仍將開過緣由備行本院知會後本官  
考滿至日查照明白轉行吏部以憑黜陟如此庶得官  
無曠職事務耽誤等因具題奉

聖旨是欽此

稽考分巡分守勤怠例

成化五年十一月二十九日都察院右副都御史林等  
為分巡事廣東道呈刑科抄出巡撫廣東本院  
右副都御史陳題照得廣東按察司原分嶺  
東嶺南嶺西海南海北五道舊例輪委本  
司堂上官員各帶本道印信前去分巡俱有  
年更替內海北道所轄雷廉二府及帶管高州  
府所屬州縣并雷電等衛其地接連廣西鬱林  
博白等處海南道所轄瓊州府海南衛并所  
屬州縣外結大海內控生黎俱名延袤二千餘  
里相去廣州壹月以上之程近年以來流賊土賊  
生發水旱災異相仍官吏廢法人民流離須  
得按察司分巡官員常川在彼提督軍

衛有司官員設法撫捕賑濟庶無誤事今  
本司分巡官員有畏地方遠陟賊情艱險或  
已承差委託故遷延至三五月方纔前去或已  
至地方五七箇月不候委官更替徑自回司以致  
彼處地方賊情軍務錢糧獄囚等項申稟往復  
動經旬月因而失機誤事深爲未便乞

勅都察院計議今後按察司已承差委海南海北二道  
務要隨即起程前去周年滿日聽候委官到  
彼將印信并未完文卷交代明白方許回司備  
將問過囚犯完過事件開報本司轉呈巡撫巡按  
處知會敢有已承差委不即起程遷延至一月之  
上及一年未滿或年滿不候委官更替輒擅  
回司者俱各住支月俸一年若有分巡任內奸

懶怠事以致賊情務不完數多參奏拿問其

布政司分守官員敢有違誤怠事者一體住俸

叅問等因具本該本院右都御史等官林 等

欽奉

聖旨都察院知道欽此欽遵抄出到縣看得巡撫廣東  
本院右副都御史陳 題稱廣東按察司分巡  
官畏懼海南海北地方遠陟賊情難限或已承差  
委託故遷延至三五月纔方起程前去或已至地  
方五七箇月不候委官更替徑自回司以致獄囚  
軍務錢糧賊情等項申稟往復動經旬月因  
失機誤事要將坐委海南海北二道官員隨即  
起程前去周年滿日聽候委官到彼交代方許  
回司備將問過囚犯完過事件開報本司轉呈



巡撫巡按知會敢有不即起程遷延一月之上及  
一年未滿或年滿不候委官更替輒便回司俱各  
住俸一年若有分巡任內奸懶怠事以致賊情軍務  
不完叅奏拿問一節切言天下按察司設有道分  
每年僉事等官各領本道印信出入分巡凡有  
軍民利病休戚賊獄訟錢糧官吏賢否得失等  
項該舉行周年互相交替係是舊例今廣東  
按察司坐委海南海北二道官員遷延不去及至  
到彼不候委官更替徑自回司此皆官非其人因  
苟循且曠廢厥職律合提問降黜但無指實姓名  
見今非但廣東至如各處軍民詞訟赴京奏訴  
節行按察司并分巡官勘問者不下千數經年累  
月完者百無二三在外巡撫巡按行令分巡官幹

辦閭理不完者莫知其數若不通行查考非  
但獄訟愈繁奸頑得計抑且官員勤怠無  
別不知截戒合無准其所言行令見今總督  
西廣軍務兩總巡撫巡按本院右副都御史  
韓 并各處巡撫巡按御史今後定委按察  
司官分巡地方務要因其才幹酌量事情緩  
急又要勞逸通均定委起程日期嚴督前去  
各該地方遵依

欽定憲綱內事理行事周歲滿日須候委官到彼交代  
明白方許回司備將開過囚犯完過事件開  
報本司轉呈巡撫巡按御史稽考勤怠敢有  
不即起程遷延一月之上及一年未滿或一年  
滿日不候委官更替輒回司者就便住俸一

年要有分巡住內奸懶怠事以致賊情軍務不完者徑自參奏拿問其都察院額行各按察司并轉行分巡官勘問訟詞勘合到日本司先將承行并該道承行官員職名繳報待候三年考滿到院通查完否以別勤怠以憑考覈布按司堂上分守理辦官員亦聽巡撫巡按一体定委稽考勤怠若有遷延及不候更換回司者亦同按察司分巡官一体究治如此則官無曠職事得理辦具

題奉

聖旨是欽此

分巡分守官年終行過事跡奏繳仍行本處巡按巡撫官考覈例

成化九年三月二十三日戶部尚書楊 等

題為災異事陝西清吏司案呈奉本部送

內府抄出鎮守陝西太監劉祥題稱會同鎮守陝西

署右都督白玉巡撫陝西左副都御史馬

巡按陝西監察御史蘇盛都布按三司都指

揮同知等官顧錄等會議安民事理成化

九年三月初十日具題奉

聖旨所多言切事宜該衙門看了來說欽此欽遵抄出

內一件開

朝廷外設都布按三司其布按二司各設管官員無非欲其巡歷郡縣糾察奸匪奉宣德意撫完